



長汨淹明年遲君到日春未暮準擬復輿出郭齊
幽探一林修竹摩訶菴一拳瘦石盧師巖

鄰家椿樹恰傍東軒戲題六首



過牆鄰樹接餘青一蓋童童覆滿庭更訝香芽冷
淘便浮來卵椀有奇馨

杜陵桃實饋貧人此誼難從薄俗陳嘉蔭還堪多
借取莫將王吉棗同論

此樹禿枝空有葉我頭未白早成翁天涯配爾翻
蕭瑟生意婆娑感不窮

質非樗櫟也能全坐閱春秋歲八千才與不才真

西華女在和 卷十
可處細參妙理養天年

搖風漏月鎮扶疎十二明牕送影徐他日可能成
故事有人樹底著叢書

鬪雀爭枝蟻穴根靜中觀物訝囂喧主人不出經
旬懶眼見枯桎綠又繁

三月十九日

正大光明殿

御試詞臣蒙

恩特擢一等第一人二十二日引

見勤政殿由編修超授侍讀學士恭紀六首

五載蓬山手一編正衙猶記聽臚傳許身不敢他
途進孤立終邀

聖主憐自揣羅胸無錦艷寧期摘領得珠圓右銀
臺畔深嚴地特達驚看冠列仙

彷彿唐規試五題華裊

賜坐兩行齊自鳴鐘動催亭午食葉蠶聲走赫蹏
中使玉盤頒粗糗小侯乳酒送玻瓈

殿頭飽飫

天厨出歸路爐煙滿袖攜

乙覽親勞細品評爭傳

西東如存和 卷十 十一
天子取門生

一人知己真何恨國士無雙許不輕掣得錦袍承
柳綠分來篔簹扇映花明敢言幾輩皆王後沈宋同
時各有聲

門開明福古槐青拔擢新占鵲喜靈乍訝宣麻移

隻日唐學士隻旋教躡履到頭廳馬銜

恩顧頻嘶櫪禽煦春陽自刷翎破格殊榮身受處
感深惟有涕交零

麗正宏文並秘書歲魏丹地略相如白圭振鷺心
常凜握槩攜鉛職恐虛西掖挽鈴燒絳燭北扉視

草曳華裾金鑿他日如成記莫忘承天雙引初

壯歲名山抱膝吟登朝已見二毛侵玉堂海燕回
翔影翠岫閑雲澹蕩心經術還期通話訓文章雅
志薄艱深惟餘

異數終難報攬鏡躊躇愧組簪

西莊寄紀

恩詩次和奉簡并呈辛楣六首

宣城 張汝霖 霽澗

一從歸棹度龍編賸有驂鸞錄共傳鵬鷃不妨
成各是夔蚘空復解相憐幽居苔向繁欽碧晚

西來女不稱 卷十 三
歲松如鄭老圓忽枉瑤華勤問訊故人今領玉
堂仙

御筆親將甲乙題詞臣

恩寵若爲齊朝看金殿探驪顙暮許銀臺散馬蹏
鎖院法尊香脰肱退朝寶炬爛玻瓈鑿坡他日
摘遺事應有湘東斑管攜

花鳥三山待論評奇遊遙想冠平生潮迎螺女
榕陰亞關接江郎箬雨輕宮錦堂前拜家慶使
星天上返承明會稽南部新吟奏願助簫韶擊
拊聲時方奉使七
閩乞假歸省

山刊岫嶠字形青龍畫螭書守百靈金石長垂
六一老風流又占第三廳雲疊手拓歸珊網鵲
錦工褫刷皂翎小謝樓前魯公石移書珍重探
竒零君撰翠墨小箋屬
訪宣州顏公殘碑

擬借盈車秘閣書士安羸疾願何如枝官南楚
終嫌散樸學西京久笑虛獨抱遺經供枕籍勤
疏夾註裂衣裾大航魯壁紛紜後憑仗推明合
古初尚書古文後案
聞亦脫稿矣

仲文高步與聯吟才瞻寧虞鬢雪侵鄒馬雅孚
同籍望劉盧兼展世姻心城當橘柚寒偏早秋

西華女存稿 卷一
入江湖水易深何日長安尋舊雨
慈仁松下盍朋簪

大雩前一夕同梁山舟朱石君沈欽伯齋宿天壇宏濟寺二首

青豆房中共打包斜陽一抹下松梢
長明分得龕燈影數遍昏鐘百八敲

櫪馬嘶風夜有聲微茫星斗欲三更
推牕好時林端望已見金支萬炬明

爲介景菴少宗伯題岳蕉園畫卷

先生心跡如虛舟流行坎止隨去留
惟將山水寄靜觀海懷霞想凌滄洲
平生星軺極萬里秦關楚塞兼吳頭
勝地過眼不再遇聊憑畫卷當臥遊
今朝示我此橫幅恍惚初地開丹丘
蕉園本是靜者流筆底爛熳煙嵐浮
即如斯圖乃學北苑法墨花飛處真宰愁
一峰擢青蓮衆峰橫翠虬登登細路轉
山脊竹梢藤蔓寒颼颼人家三五傍
厓際盡收蒼翠歸山樓陵陽白岳接皖口
渭川杜曲連龍湫今之此圖妙結構
舊遊回首同乎不何當暇日從公追
勝賞煙波深處招沙鷗

寓堂合昏樹二株夏日作花可愛得七言

長律十二韻

荷乍抽錢絮點空愛他雙樹坼薰風高撐幄幃重
 重合輕抹膳脂淺淺中經雨滿庭香旖旎知時堆
 萼色龍葱艷如紺袖酥成暈淡比緗裙絳欲融金
 剪忽裁新樣綵綠牕何處吐來絨鬢垂細數原無
 辦毬簇交枝自作叢槐影微炕知異態萱房蠲忽
 好同功看朱展轉疑成碧按茜評量休洗紅盡日
 空階閑弄影撩人薄靄與初烘試徵炎帝千年錄
 恰傍嵇康一畝宮客裏移家都為爾花邊約伴賞
 誰同他年記取微吟地宣北坊南菜市東

王學士庭前合昏花兩樹盛開招集同人

讌賞即事賦呈十二韻 秀水錢載坤一

學士能招客幽情可賦詩一雙嘉樹在風日小
 堂宜葉密方交影花繁只吐絲涼同車蓋蔽濃
 似馬纓垂漸向斜曛斂頻將碧罽篩無憑或蠲
 忿有信太知時憶舊曾看此頻來為訪師可憐
 勝拱把相對即階墀 曩丙辰歲涂尚書居此桑水部發甫先生寓東齋予
來見兩樹初作花 未白催吾鬢成陰到汝枝乍偕諸友
 醉何止廿年遲摘朶還收藥攢鬢漫畫脂宣南
 坊裏句臭味忍差池

王玖畫

寂寂數粒松蒼蒼千仞石古寺在雲巔奔泉落巖隙

翰林東廳古槐三十四韻

滿院撐危綠修柯走暗青根疑元代植幹自有明
零病理曾傷燒空心想劈霆盤坳欹欲臥呀裂洞
開扃密雪回回壓嚴霜歲歲經排雲餘碎葉作態
罩空庭似櫟常依社如槎幾漱溟婆娑疑被觸拳
曲豈遭刑兔目春猶坼虬身晝亦冥义枒空偃蹇
拗怒轉伶俜突兀森賁育便娟謝尹邢眉影鄭瞞

樣瘦凸宿瘤形最醜蒙俱面全僵貳負靈貞容還
耐禿古貌尚餘馨黛簇千層甲皮皴萬箇釘聶時
同布幄炕處儼張屏蛇忽當門鬪夔惟一足孱騰
那鵬出喙軒翥鳳拖翎蠹窟旁蒸菌苔文曲繞銘
膠枯寧化珀枿老詎抽苓不碍昏煙幕偏宜夕照
停雨兼濤浪沸風作瑟竽聽斷節中流血成精上
應星匠師憐棄物太守歎頽齡舉子忙何意蟻王
夢乍醒支離當散地擁腫占頭廳吏拾枝添爨僮
慵汲沃餅登登來啄木閃閃聚殘螢作賦應逢庾
司花不藉丁垂陰疎的的絡格靜熒熒細蕊時飄

西莊始存稿 卷十
瓦低梢故入櫺餘滋借劉井接蔭映柯亭羣卉漫
爭麗孤生誰所令素心還共賞珍重比堯莫

夜合樹下取涼

生衣風透欲生稜閑捉梭毛自拂蠅一事貧家真
得計濃陰省卻搭涼棚

題畫爲于石薌賦三首

鏡面春江嫩綠銜溪橋絲柳舞摻摻薊止也有江
南景只少煙中一片帆

白雲遠近菡巖坳塢裏人家短架茅料得深山無
六月玉虹隱隱挂松梢

羣峰回合似旋螺翠樾紅泉白石瑳結得芭籬綠
澗曲釣磯安穩占鷗波

有事方澤齋宿玉堂奉同虞山公用文待

詔韻

聯翩冠珮戛珊珊月轉槐陰六曲闌三日齋期人
郁穆頭廳閣子地高寒吉蠲相戒先申令盛禮由
來配泰壇好是木天清不寐從容拄笏傍金鑾

苦雨

黯黯癡雲鎮自蒙空階點滴到愁中巷泥沒踝無
人到屋漏移牀笑我窮月額經旬仍未散未頭干

西莊如存稿
畝定成空私蛙底事乘陰氣得意號鳴轉覺雄

喜琴德至信宿敝齋移寓椿樹衙衙心餘

有詩予亦作一篇并懷來殷

乾鵲語簷牙喜母緣衣船侵晨咳嚏發昨夜燈花
然開門果見故人至入門笑擲馬上鞭驚看鬢邊
髮各問別後年有如調飢獲大嚼又如痼疾欣初
痊仙爪爬背銳刮目籠鳥入雲魚縱淵騾網纒卸
堆滿屋通宵鄉語還蟬聯猶記廣寧門外柳絲牽
路旁悵悵送爾旋車輪無角馬蹄圓欲留不留心
悵悵聞爾屢醉平山堂聞爾獨吟趵突泉聞爾冶

城時躡屐聞爾鯨水時扣舷卷中詩句樂人唱海
內高名孺子傳一朝文采動

萬乘官職入手何翩翩翻階紅藥語定妙判花小
鳳毫逾妍春明儼居宅一塵作使奴子琴書遷短
牕先糊紙矮炕須鋪氈安牀掃地忙不了隔巷已
送新詩篇奇兵迫人未成列半渡遮擊森戈鋌我
時枯坐但旁睨銜枚堅壁張兩甄敢言我盈彼乃
竭聊以整暇當精堅吟場角逐今廿載得當大敵
喜欲顛從茲社集羅羣賢機東雲西互邀迓張南
周北相排連不愁寡和彈獨絃所惜江東二妙尚

西莊如不種
卷一
未全帆山一漁遠滯湖村田聞說麥黃水過定解
纜屈指何日聚頭泥飲沉頓同樽前

重至京師宿西莊兄齋中口占爲贈

青浦王昶琴德

殘雨空階夕霽天欵門相見語纏綿江湖屢憶
開樽會燈火仍來抱被眠夢裏春明嗟再到篋
中詩卷愛新編多君話我爲官在不道維摩已

解禪

立秋日合昏樹下作

結夏深憑雙樹幽迎涼又喜葉知秋殘花歷亂松

毛似細穗低垂皂莢稠斜日影中時仰面暮蟬聲
底坐消憂自嗤言語麗豪甚欲比韓公詠五楸

郊外散步

水縮見沙明木落知風勁長嘯不逢人斜陽澹秋
影

寄題家上舍盤溪草堂次韻四首

城居真似沈尤居家少于車信所如農丈人中原
有伴齊民術外更無書客辭餅餽因看畫夢斷羊
羣不踏蔬箇是江湖安穩地瓜牛大好結蘧廬
花步相於賦卜居西塘還往驅蛩如

乙丑予館上
舍之花步居

壬申予客郡齋而上舍已遷浮萍踪跡思君面征
楓江之西塘每出城必造訪

鴈殷勤寄我書顧李聯吟攜濁酒沙張把臂剪畦

蔬謂顧祿百李勉百他年和仲還山後隙地先為

置一廬

煙雲供養畫禪居珍重郵傳尺壁如皴染意兼文

沈筆隱淪義取列莊書上舍畫狎鷗圖寄贈滿庭穩帖黃山

石抱甕閑澆赤甲蔬素絹麻牋足箱箴可能頻寄

浴堂廬

玉堂茅舍總安居宴坐天花證六如無那繫匏南

北路祇餘置袖短長書秋風薊阜飛寒葉夜雨吳

山長嫩蔬回首音塵頻悵望幾時對掩兩蓬廬

秋夜與婦話舊事因念江村卜築悵然有

贈四首

蠟淚成堆照不眠琴絲鬢影總堪憐滿階霜葉秋

如夢四壁寒蟲夜似年病後情懷拋繡線瘦來梳

裹廢花鈿悼殤憶母都無那望斷江南薊北天

數載東華不自聊綠牕並坐感蕭騷寒衣刀尺陪

宵讀瓦鼎茶湯待早朝馬磨勞生還憶共犬臺餘

恨可能招卻啗割肉容臣朔但把清齋學細腰

酒漿機絞每親攜不似金坡學士妻屏擋頻煩搜

蓋篋措持多愧蓄鹽螿於陵聞說曾逃聘萊氏原
甘共灌畦回首白沙村畔路木棉開處鷓鴣啼
睡鴨香銷玉漏窮流塵深掩小房櫳何妨放誕時
卿婿聽唱風波欲惱公天畔登樓長客裏燈前擁
髻總愁中一龕底處雙棲穩水北花南結托同

題蔣心餘詩卷四首

盤空佳語大河橫碧海無雲夜月明捨筏登厓君
自遠羚羊挂角衆偏驚

送別登臨壯且哀華嚴彈指現樓臺好詩不是人
間學骨性中間帶得來

酒品從來專貴辣菊花聞說最尊黃若論黃色微
偏在辣味當今獨擅場

木大如魚駭殺儂橐駝腫背豈相容勸君行卷牢
藏弄慎勿輕貽張伯松

家澹人上舍菊莊圖

高人不耐車馬喧名花不稱盆盎種池邊野外苦
竹籬雨倒煙欹任疎縱得全于天轉有態花之知
已惟君共絕勝錦幙十層遮胭脂牡丹世所重君
家莊窠最佳處瀟灑江村傍章貢兩牀菡席一柴
門獨速蓑衣臥菱葑每從農叟和田歌不怕少年

西來如不種 卷十
三
窺屋棟弁陽嘯翁有遺方黃梅雨過香泥鬆此時
菊秧乍可分幾簇陳根手培壅低叢掩冉覆小棚
轉眼繁枝裂霜縫圓釘箇箇金鈴齊濁酒時時白
衣送冷瓷或課跛奚澆宿萼還資膽瓶供太類天
隨舊宅荒頽垣缺處花補空可憐如此好家居何
事輕拋蹇驢控秋花正開悔遠遊秋卷頻年嗟不
用愛君結習狂未除那羨侏儒一囊俸豐臺淺塢
市新栽客舍得閑仍抱甕攜將橫看對花披彷彿
鄉園來入夢落英無言人澹如詩品高寒恣吟弄
風塵留滯跡雖孤笠屨登臨飲猶痛乃知寄興迴
自殊逸氣昂藏漫驚衆古來達士多高躅托物流
連忍飢凍香留晚節每延賓餌得身輕欲騎鳳此
圖寓意良可尋好配茶經追橘頌

張叟荷笠圖

吳興筆法傳其甥老米溪山付其子古來藝事有
淵源往往師承妙神理墨岑山人我老友皴染雲
嵐盈素紙披裘帶索入巖巒散髮垂竿弄煙水胸
中丘壑自天成腕下淋漓乃餘美偶然給札到春

明奉

敕舍毫朶殿裏大圖小燈時經進

至尊動色嗟神技聲名官職一朝伸應奉年年仍
躡履老愁肺疾思捐珮歸結茅茨還掃軌長憂絕
筆少替人粉墨蕭瑟終已矣猶子月川今靜者高
秋訪我宜南里袖中亦有五岳圖山人遺法依稀
是爲言俗工失古格形模塗澤空爲爾興來盤礴
一解衣二華三茅分齒齒鴉尾樹枝濃欲滴磬頭
山色青不已上追董巨有前型下逮倪黃究深旨
取材衆家入鑪錘不離家法終神似更攜橫卷索
新詩卷上須麋何魁壘行歌荷笠自倘徉悵望南
山白雲起我撫此圖重歎息顧影沉吟良有以憶
同山人客淮壻席帽青衫共行李酒酣快睹醉墨
灑乞得縑繒滿箱匭人事浮雲多變滅俯仰舊遊
將一紀交逾兩世我欲老重對小友能不喜長安
僦居苦喧啾那得雲泉洗心耳遙峰一角肯見貽
挂壁臥遊從此始

題裘侍郎漫士苑東寓直圖三十韻

石甕山東海淀西苑門左畔繚垣低溶溶漾漾泉
浮岸下下高高圃界畦退食羣公交接席近光彩

筆忽更題

樓額公所署名

新居前歲纔承

寵

賜第在石虎衛衛

家具從今又別攜澹宕雲嵐連紫閣

從容休澣出金閨午橋豈是蒙君賜鑑曲何曾傍
斗奎舊事較量

恩獨重蕭齋料理興無睽百弓曲徑閑栽竹十笏
空庭不貯泥園割澄懷分翠嶂

地為澄懷園西隅

軒鄰麗

景繞迴谿

其前即麗景軒家宰汪謹堂先生所居

嫩蒲似劔方抽筍

細柳如絲乍發萸短笻臥來橫蝓蝻小船撐去亂

鳧鷖恰當幽處開風幔轉入回廊上閣梯紺軸三

倉籤壓架紅牕六扇殼釘蠡坐欣搏黍枝間轉愛

聽春鋤煙際啼綠暗前村聞叱犢雨昏遠陌見扶

犁傳宣瀑直仍餘暇茗椀棊枰每並齋客到盤釘

油不託牆頭酒注玉偏提時時按譜呼琴叟

琴師錢叟

雲間人客公所

往往澆花責跛奚陶寫情懷應類謝疎慵

骨相肯同嵇此間境地原瑤島自有丰標比白圭

人仰光風多煦拂我從學海問端倪偶來剝啄宵

留榻幾度經過馬便嘶燈下樽前談最劇藤梢橘

刺路寧迷乘輶徼外旋銜

命持節河壩再閱隄萬里星霜勞往返九霄池館

重攀躋試教妙手圖橫看乍訝雲林滿赫蹏冉冉

連岑露鬟髻盈盈一水滑玻瓈清時臺省風流別

達士襟期出處齊縱使申歸還如入依然雪抹更

西莊始存稿 卷一
風批太平良會真堪羨何必煙霞讓退棲

十月十一日奉隨

駕之

命二十五日啓行出德勝門由湯山至盤山歸至

南苑

大閱禮成途次即事恭紀二十四首

傳來

天語最分明特許雞翹扈

蹕行九九屬車儀衛盛也容欵段一書生

觀風柔遠事難忘武備還須較廣場識得

聖謨真遠大區區羽獵陋長楊

千林紅紫帶霜痕細路平沙遠近村剪剪帽裙風

漲處搖鞭纜出國西門

土城已過又清河暗壑淙淙響白波不用登臨頻

弔古時平戰壘久消磨土城明英宗嘗駐蹕清河元禿堅帖木爾稱兵處

止頓傳呼

帳殿開碧虛樓閣敞雲隈山靈特爲

宸居在預遣跳珠濺玉來湯山有温湯山以此得名

湯山山色翠連娟山上離宮山下泉最是晚來疑

畫裏紺螺浮動小瓊田

太平氣象在西疇刈罷家家說有秋一段鄉村好
風景稻堆高出屋山頭
近光尤切近畿民望

幸真如望歲殷黃口兒童黃髮叟扶藜騎竹逐車
塵

射柳分行靜不譁

天弧每發閃流霞儒臣侍從欣觀禮

敕旨傳宣坐賜茶三家店行宮上親率內大臣等習射

中黃夏育猛鬚角力程材各逞奇得勝旁觀齊

喝采上前飲酒謝

恩時射畢觀猛士角觝

汲井支牀傍陌塍侍臣野宿各分朋中宵望月周

廬外萬點春星萬帳燈

面臨薊野背盧龍突兀田盤翠黛濃指點鬱葱

行幄外單椒秀出四三峰盤山有上中下三盤

巖坳深處盡名藍

睿藻拈來大可參雲罩鐘聲如半偈天成橘樹小

江南山有雲罩寺御製詩云雲罩鐘聲如半偈應須隔歲一來聽又天成寺江天一覽閣中

栽橘樹故御製又有橘月燕山吟橘樹春風一室小江南之句

安息條支自極西瞻

雲稽顙共扶攜圖開王會長筵設樂奏鈞天法部

齊

西哈薩克全部來降于
盤山行宮入 覲賜譙

聲教從看及萬邦好令立本繪奇厖

盛朝樵牧知王道封魏無須恨不雙

略識徐無返自厓嶙峋紫蓋繫人懷花憐半放酒

微醉如此看山亦復佳

山一名徐無紫蓋其最高
峰時子三宿山下然諸名

勝實未到也

南紅門裏草初枯鉤盾閑田掌上鋪舊是

天家飛放泊黃羊斑鹿散平蕪

萬騎雲屯海子寬瞭鷹臺上早霜寒吾

皇夙戒臨戎帳隊隊材官並據鞍

畫角吶啞響半空綠旗兵合火茶同箕張昂萃都

成勢虎變龍騰各自雄

草頭一點疾于飛槍急身輕乍合圍烈焰忽騰開

巨礮雷轟地軸駭神機

鄂褒英衛盡能軍鴈翼魚麗八陣分細柳威儀今

再睹會看絕域掃埃氛

彌山絡野網周陟講武歸來校獵初已喜從羣歌

吉日還因在鎬詠那居

玉樓平地聳孱顏十二珠簾縹緲間南苑南頭放

煙火萬民同樂賞鰲山

禮成慶洽沛醲膏

星罕初迴矢載攷珥筆空慙才蹇劣可容隨輦附

查高初白江村兩先生均有隨輦集

盧侍讀紹弓檢書圖

平生文字緣夙世結習染失脚軟土中駛景去忽
閃偷閑擁殘編自笑生活淡盧君我同志百氏肆
披檢衣袖有油素籜溷必鉛槧六扇紙牕風二尺
短檠啖食蓼逾覺甘渾忘羹不糝怪君榮利途嗜
退憚趨險于此顧獨貪兀兀意未嗛去年

簡內直晨入五鼓統歸來捲書帷依然板扉掩紛

紛紛軸排一一雌黃點馬史千年來紕漏尚可攬

桐川兼秘省宋刻互增減爬梳一何精毫髮庶無

憾君撰史記考證我聞集賢官東廊資校覽體中彼何如

上車毋乃玷如君職業勤直匹歆與儉一鳴許來

借子祛我欲摻燒燭復引杯扁舟忽興感

李給事西華巡臺賞番圖

鄒衍談天語徒詭徐市求仙亦惘惘不如巡臺極

慨慷壯遊真作凌雲想廈門澎湖渡飛槩周巡所

到還行賞篋筭萬箇榕十丈地衣簾額蹇雲幌階

西莊如存稿 卷一
前立侍百夫長作使花蠻來浩穰雜遯弮環兒負
襁嬰姍蹇躉叟拖杖攀林出箐自成黨馬崎赤嵌
度良康銅鑲貫耳帕抹頰赤紵裁衣剝纏髦兩鬢
簷沙目睜曠雀躍鳧趨頭地搶使者傳呼賚錢鏹
綵花幢布青紅晃釣藤酒香盈甕盎蹈舞牽扛轉
相饒

皇恩宣布咸慕仰

聖化滂洋何蕩蕩我聞此地真泮沆天外雲濤堆
滉瀆八罩港東澳門敞湄洲南去三星朗東西幾
千路莽蒼大岡曩漢中分壤雞籠鼻頭峰直上傀

偶山下驚波盪咖啣吧人此伏莽小醜相繼爭搶
攘桓桓施祖實骯髒剷棘除榛溯疇曩百年來王
復來享猓獠舉踵咸內嚮况有侍臣秉英蕩諸番
益扇仁風廣畫師遠勢工蕭爽遙村煙樹平如掌
斷橋泱泱流泉響樺皮屋子高而廠布穀催耕聽
呀吭番兒鞭牛駕犁鞅番婦縑絲勤績紡此時歸
舍攜珍帑相戒作息棄刀仗嗚呼人生履幾鞞羨
君鯨波自來往還

朝依然開露輞曲江置酒排銀榜

戊寅除夕

一杯歲酒任曹騰六載長安此夜燈藥力消磨餘

健在

時嘔血初愈

詩篇整妮付鈔騰

錄丙子以後作成帙

碧山未

稱銀魚好

三月擢讀學

恩

珠顆還欣老蚌增

十月得留第四男

得癡獸何忍賣從來有味在無能

已郊人日立春恭和

御製韻

先庚吉日迓青旗

是日已丑

人勝還兼春勝宜正是東

皇布今日聽傳西極凱歌詞土酥隴上滋新麥盤

縷筵前簇綵絲穀旦明裡

親涖處陽和已共

玉輿馳

翼日為穀日齋宿于初九日

上詣天壇行祈穀禮

題韋舍人慎旃翠螺讀書圖四首

地多古意傳供奉人有清才替左司寂寞江天雲

霧裏想君攜卷獨吟時

碧筍瑤簞翠掃空天門西上赭磯東把茅蓋頂何

時就便署頭銜作長翁

長去聲

猶記青衫浪出遊阻風中酒滯扁舟山根一宿吾

猶戀况汝僧牕數載留

官清贏得一身閑倬直歸來善閉關但使讀書能

不廢何須悵望說還山

金軒來文學招同錢籀石編修韋葑仙舍
人謝金圃編修吳杉亭舍人錢辛楣贊善
家蘭泉舍人遊萬泉莊

九十春忽半枯坐成書癡金生來喚我今日花朝
期城南足煙景斗酒聊可攜蘆塘可遊釣苔磴可
攀躋何苦擲心力鑽此故紙堆拋書笑絕倒此語
良復佳撩撥我狂興破費君酒貲迢迢白紙坊漸
少塵侵衣莪莪右安門出城行長隄溪山我故人
數載會面稀今晨喜相見翠色浮鬢眉雙輪簸復
停殘夢醒復迷恰如擘子船搖兀翻忘疲行行三

四里道旁見殘碑感彼柏下人學仙塚累累

大元

邯鄲子荆公神道碑
背刻遺世頌一首

稍南又一塚長生道院基亦

有仆地石模糊剝銘詞曾聞神樂觀舊隸太常司

云何列卿銜乃昇黃冠師始知明中葉秕政日以

滋太常寺卿馬良德寺丞王應
希諸碑皆神樂觀道士也

回首陵谷遷剝落

螭與龜惟餘濫泉聲遙和松聲哀飲馬投一錢驅

車向前陂西山疊嶂繞懸瀑跳珠璣散成萬千眼

處處波滌洄此地林壑幽湫流互逶迤或圓偃如

月或方楮如珪是萬乃強名其數孰細推昔爲鶩

鴨所遊人不敢窺

相傳前明畜鶩鴨處
尚膳監太監掌之

今茲盛亭

金軒來文學招同錢籀石編修韋葑仙舍
人謝金圃編修吳杉亭舍人錢辛楣贊善
家蘭泉舍人遊萬泉莊

九十春忽半枯坐成書癡金生來喚我今日花朝
期城南足煙景斗酒聊可攜蘆塘可遊釣苔磴可
攀躋何苦擲心力鑽此故紙堆拋書笑絕倒此語
良復佳撩撥我狂興破費君酒貲迢迢白紙坊漸
少塵侵衣峩峩右安門出城行長隄溪山我故人
數載會面稀今晨喜相見翠色浮鬢眉雙輪簸復
停殘夢醒復迷恰如擘子船搖兀翻忘疲行行三

四里道旁見殘碑感彼柏下人學仙塚累累

大元

邯鄲子荆公神道碑
背刻遺世頌一首

稍南又一塚長生道院基亦

有仆地石模糊剝銘詞曾聞神樂觀舊隸太常司

云何列卿銜乃畀黃冠師始知明中葉秕政日以

滋太常寺卿馬良德寺丞王應
希諸碑皆神樂觀道士也

回首陵谷遷剝落

螭與龜惟餘濫泉聲遙和松聲哀飲馬投一錢驅

車向前陂西山疊嶂繞懸瀑跳珠璣散成萬千眼

處處波滌洄此地林壑幽湫流互逶迤或圓偃如

月或方楯如珪是萬乃強名其數孰細推昔爲鶩

鴨所遊人不敢窺

相傳前明畜鶩鴨處
尚膳監太監掌之

今茲盛亭

西莊如不種
樹縱橫插笆籬猶記祖家莊妙絕漁洋詩莊雖數
易主水木仍清暉入門乍空曠汪汪數頃池略約
繚而曲池水清且漪春雪暖乍融輕冰解流澌東
風吹綠皺蹙作鱗差差蕭寥洲渚外蘆筍生未齊
白鳥來何心翻飛雪襍裊土山遠多態岡壠分屨
屨亂篠戛琅玕雜樹紛間之登登步高下一步神
一怡邃館與涼堂窳窳連廊窻亦有卵石徑亦有
罨局畦所惜來太早髡柳尚少稊何況紫丁香朱
藤黃荼蘼我儕樂閑放不在繁艷時愛此荒寂景
轉得一段奇攀林蹋閣遍乘興尋招提萬泉寺像
在莊後

設妙莊嚴刹竿矗歲巍蒲牢吼如牛也復明代遺
鑿名字天斜大抵皆闍兒奚奴頗解事行厨咄嗟
移招要入林間栲栳坐水湄自詫酒腸寬飲若灌
漏卮坐中六七公同里數辛楣若論相識久老錢
及瘦韋予識籀石葯仙在庚申辛酉間
距今二十年諸公訂交皆在後我兄近逃
禪吳謝各不羈獨有賢主人乃是新相知樂哉今
夕會醉起爭留題試待紅藥坼重來問豐宜

同作四首

全椒 金啓南 軒來

帝里春暉好花朝出郭宜名園足幽景勝侶偶探
奇草色平蕪淺山容宿雨滋何期雲棧客來共

此追隨

予自蜀中至京

遠樹連村暗柴門一徑通橋平殘雪水籬偃古
藤風正壑隱松翠亭臺亞竹叢城南即韋杜相
賞意何窮

婀娜生憐處垂垂岸柳穆風沙仍薊北煙水忽
江南對此興堪遣因之酒易酣閑將故鄉思乘
醉一清談

雅遊耽好景坐久欲忘歸啓戶見明月驅車趁
落暉不孤佳日會還念素心違料得朝回處焚
香靜掩扉

寶所鶴侶漁菴期而不至

王保定孫同申江歸釣圖六首

宦轍名場已卅年釣竿陡憶海東偏人間何處真
安穩萬頃波心一葉船

寥廓高名孰與儔公才未許說宜休一麾暫寄絲
綸手只似東坡在定州

黃歇渡頭蘆荻花鯉魚風急浪淘沙清詩樂府爭
傳唱別譜漁家與笛家

漫郎放棹入洄溪魚麥關心謝組珪怪得從來賢
刺史每耽雲水狎鳧鷖

愛閑真擬帶笭箬白鷁青蓑早織成卻笑平泉好

風景贊皇一夕若爲情

江村我有舊漁磯
申浦膠城近不違
走卻鰻魚定
何日春風燕子又飛飛

即目二首

玉河冰片未全融
岸岸楊椿自颭風
行出便門天
欲曉大通橋外月如弓

鬪起雙隄角樣偏
慶豐牖口溜涓涓
兩三敗舫停
沙觜好似長江舡子船

太學古槐歌

橋門辟雍泮水涯
森森黛色撐古槐
濃陰遍覆數

畝皆靈根盤屈高
枝排鳳翎軒翥雲
中迴蒼虬跋浪揚
其顛長風忽起洪
濤堆樹外仍覺晴
雲開微颺徐透竽
瑟諧曉煙輕幕新
如揩傳聞髣髴徵
從來云是元至元
中栽祭酒當時推
魯齋姚樞竇默稱
輩儕一朝赴召起
自懷勲戚子弟資
模楷講誦餘暇雜
草萊移來嘉蔭親
封培閱年五百修
柯摧斷節餘蠹膠
流苔欣逢

聖世天網恢陽春
鼓動抽條枚維時
壽宿明中台慈寧
方進萬年杯九如
遙祝耆與鮐茲槐
協瑞和氣胎苧甲
暗坼如松釵新茗
舊穎繁瑄穗飄英
落

蕊飛漼漼辛未皇太后六我萬壽槐復榮

皇治理追羲媧文明武赫敷埏垓化被日出兼無

雷西域者定歌康哉誅鉏驅虎驅狼豺

鴻文勒石高崔嵬陋彼樂府侈渥注肖翹畢育無

纖乖此樹亦復登春臺黌堂大啓羅英才青衿濟

濟簞笠偕菁莪棫樸儲鹽梅神工潛滋化雨催普

潤弱植霑枯稽槐兮應候榮根芟濃花碎葉紛皚

皚諸生習禮此徘徊共愛翠樾清陰佳榮光上燭

貫斗魁我

皇文治瞻昭回微臣趨承愧不材叨陪舍菜陳尊

壘摩挲古幹芹宮隈作歌拜手仰

泰階敢繼萋拳鳴雖喑

眼底

十圍便腹自空虛眼底羣兒謗任渠此處如教一

念動向來枉讀半生書疾雷擊柱從驚破倦絮黏

泥那受噓展卷聖賢成晤對青熒燈火閉門餘

西莊始存稿卷十

西莊始存稿卷十一

古今詩 閩嶠集

別曉徵

尋常無一日不見今朝分袂郵亭前半年小別萬里路回首國門翻惘然

送禮堂學士典試福建 嘉定 錢大昕 曉徵

玉尺頻煩大匠持八閩迢遞使車馳目空已盡驪黃種手植都成桃李枝朝望歐陽真學士文壇孟縣老宗師仙霞嶺上新秋色天遣留題絕妙詞

過蘆溝橋

路滑泥融慢著鞭
槐花時候別幽燕
桑乾漲急聲如吼
僂指重過十二年

晚宿良鄉

固節亭邊驛路叉
卸裝又見雨如麻
今宵卻似西莊宿
茭白池頭閣閣蛙

琉璃河

巨馬分流遠翠圍
茫洋秋潦沒苔磯
綠楊出水高于薺
不見鴛鴦作隊飛

趙北口二首

直沽角淀綠接藍
穀影鞞紋此匯涵
幾隻漁舟楊柳岸
燕南風景似江南
十載重來繫馬時
樹猶如此不勝悲
赤闌干外波如鏡
照得勞人鬢幾絲

登峴山

一峰不與衆峰羣
石竅連延勢劃分
拂蘚看碑聊爾爾
呼名宿鳥自云云
松穿巖腹深遮寺
澗絡林腰滿貯雲
山下郵亭多過客
幾人來此送斜曛

雨不止雜題旅店壁四首

青駝寺畔雨泔泔
艾子湖頭結暝陰
廊下輿丁閑

絮語似聞前路更泥深
濕突無煙土竈傾野塘橋外少人行
油衫帶得整陽雨已渡清沂尚未晴
埠下紅花作碎斑蹇驢蹩蹩雨淙潺
散暮雲氣昏昏裏失卻峒嵒一角山
河隄高下走修蛇小驛鍾吾近水涯
雨過滿塍泥滑澆爬沙無數小蝦蟆

王家營

黃河北岸王家營家家編荻當門衡
酸風挾雨勢飄忽怒浪噴雪高崢嶸
役夫赤腳挽車去使者捕蝗乘傳行
我來欲渡不得渡箋天但乞明朝晴

召伯埭書觸目

延緣蓼岸插蘆籬晴日家家曬網喧
潦退流民歸舊戶板扉猶帶去年痕

風雨過潘葑

著雨油牕滴眼新峭寒時候水生鱗
狂風吹墮緯夫笠岸柳彎腰揖向人

舟次望亭枕上聞漁歌

拏音遙夜扣舷清欸乃伊鴉月底行
莫怪擁衾頻側耳六年不聽故鄉聲

西苑如不和 卷十 三
澣墅泊舟回憶庚午楚遊除夕風雪中宿
此恰十年矣

舟人笑語入姑胥夜柵茶檣布幔虛金虎舊愁談
越絕玉螺秋色眺秦餘最欣客路連鄉樹乍愛吳
羹得野蔬曾是阻風中酒地孤燈照影歲將除

夜過嘉禾

王江涇頭潮接天杉青閘外月娟娟空濛好片南
湖水汗腳何時蹋釣船

錢塘發舟即事二首

鳳山根下峭帆低漁浦空潭擊汰齊白塔朱欄迷

遠近綠榕烏柏亂東西鴟夷事往還餘恨犀弩潮
迴自拍隄此去富春江郭好風巖水穴遍攀躋
赤亭已過岸彎環回指西興莽蒼間上水船迎三
疊浪中流人看兩邊山斜飛片雨青蓑濕橫沒孤
雲白鳥閑千載登臨懷謝客清溪一爲洗塵顏

富陽

山上危城山下江白沙翠竹照船牕長年招手遙
相語明日初程定進瀧

長山瀧

羣峰如旋螺螺頂勢相湊一螺青未了一曲一螺

又浮空疊成堆濕黛畫難就亭亭鬟影低層層翠
屏皺舟行路屢窮回合迷左右帆轉峰每隨清溪
激湍漱人家縛荒茅三五住巖竇門前溪水喧屋
上山雲覆釣車閑獨輪磴舍承急溜梢梢鸞尾竹
夏天蒼玉瘦返景散煙霏寒綠上衣袖試拍銅斗
歌酌泉聊自侑

釣臺

孤亭隱喬木峭壁插深瀨披裘把釣竿狂奴有故
態江山勝如許名利何足愛帝腹雖可加濯足此
尤快後來方玄英清風亦超邁性癖佳句耽見客
惟三拜况聞慟哭人如意欲擊碎舉手攀冬青長
歌望關塞補唇吟愈苦晞髮心猶在寂寞剩荒祠
客星兩賢配我來問遺踪躡磴破蒼靄擣藥烏惺
惚擘絮雲霏霽斯人不可作雙臺空千載放眼倚
危闌置身已塵外

烏石灘

灘聲欲驅山山勢欲束灘水石本無情相觸因成
喧悠揚止復作決決還潺潺靜聽恍有會天籟非
人間梵唄流寒空風松響層巒有時急瀑來一瀉
雲濤翻不知水何猛磨得石盡圓磊磊錯鶯卵其

色黃朱殷或作大篆人或作古錦斑篙師與水鬪
舸艚沂驚湍石滑不受篙尺寸進轉難平生斂退
心葦間每延緣好語慰篙師且讓鄰舟先

鷓鴣灘

天勢圍諸嶺泉聲聚一灘雙臺過眼失百丈湖江
難竹影蕭蕭合松雲漠漠寒鷓鴣爾何物只爲得
魚歡

嚴州道中二首

千峰榭畔望谿舂落盡空林謝豹花十里行來人
割漆連村香透戶蒸茶亞城細路凹兼凸丁字寒

江曲又斜如許溪山誰管領只將佳處付漁家
遠角吳根疊翠同此行看遍碧玲瓏數家雞犬白
雲外盡日帆檣明鏡中危石峻嶒疑欲落戲魚唼
唼若浮空玉堂牕子當煙霧未抵扁舟一笛風

桐溪埠夜泊不寐

月黑風尖夢不成桐君山下暮江清無情最是前
灘水一夜船頭響到明

蘭溪

女兒浦水似迴腸不送離愁向故鄉屈指柯山幾
時到前灘過盡後灘長

月夜泊龍游

激水彎彎素魄流郵籤此夜記龍正灘聲驚斷還
家夢不許行人不白頭

江郎山

江郎秀甲東南區蒼雄奇峻清而腴藏深伏隩閔
幽勝地僻終古誰爬梳有如世外隱君子遠離朝
市潛蓬廬天公好事欲洗刷遣我拄策來追摹太
末城頭斧柯爛煙嵐回首迷三衢突星獅石並巉
削登登一徑穿篋輿俄瞻佛羸帝青現蒼茫翠靄
侵衣裾翔鷗舞鳳羽翩奮渴鰲怒鯨鬚鬣俱岡巒

橫側各妍妙金光黛色齊紛敷就中一峰勢更斗
積鐵壁立愁猿狙凌空拔起五千仞旁無依倚孤
雲孤須臾擘開兩丫髻雲風對起雙吹噓峰迴路
轉態又變分作鐺腳交撐扶詭怪恍惚不可狀看
來面面形模殊共如劍鋸出稜角屹如筆架攢空
虛如翹瑶簪卓玉笏如插碧筍抽犀株如擎金盤
露指掌如排翠蓋翻芙蓉羅浮風雨乍離合荆巫
十二相縈紆池陽九華疊跗萼匡廬五老軒眉鬢
域中異境數不盡瑰瑋變幻茲寧輸山坳小憩靈
石廟斷砌翳蒼薈飛颺颺端然像設多好相雲璫霞

西華如不和
佩衣五銖傳聞江家三兄弟于此鍊魄同跏趺功
成堅苦化三石乘風御氣三茅如只今空濛煙霧
窟瓊臺璇館仙所都雲中招手一回顧似叟非叟
姝非姝參差伯仲肩背接左提右挈山澤臞古苔
斜冑綴纓珞壽藤亂結垂珊瑚陽坡叢筠間秀木
清飈徐送吹笙竽瀑泉幽澗瀉盤石濺落匹練跳
千珠暮頤泱泱灌村疇竹筧裊裊通香厨人家寂
歷散高下架巖構壑勤耕耬日汲玉泓餐蛾綠所
恨生長不讀書我謂如許正不俗免教凡語名山
汗把茅蓋頂會有日谷可以退溪可愚仙壇閑把
落花掃不知仙翁許我無

蘇嶺草菴贈住持僧

幽篁不見天峻閣臨無地道人住此山日長惟打
睡

仙霞嶺

五里到嶺腳十里纔嶺腰三百六十盤盤盤上青
霄危峰插高空細棧緣秋毫前趾壓後頂首下尻
乃高崖傾礙飛鳥石滑逢墮樵登頓屢旋折謂已
窮山椒峰迴一仰睇絕頂仍迢迢振步攀其巔目
眩神爲搖一嶺植如蓋衆嶺羅周遭仄陰障羲娥

絕徑悲猿獠不知路何從但覺呀巖叢密箐叢修
修頰桐間紅蕉飛流挂木杪晴日舞素蛟茅菴嵌
青壁瞰臨萬丈坳俯窺落深井結構何由牢獨立
望歸雲天風颯飄颯

曉行度楓嶺

月色射茅屋風泉醒客眠四山一氣合行行入寒
煙昨日度仙霞危關轟半天徒御力已疲岡巒尚
連延大嶺橢而長小嶺尖而圓累累積灰樣蹙蹙
撒米然摺疊起波濤盤回奮蜿蜒林昏楓葉赤箐
密楓人懸瀑流出石罅濺碧鳴媧絃陰晴判半壑

閩浙分層巔無諸昔建國開鑿知何年拖舟與輿
輶始見淮南篇往者井蛙跳此地列戍堅百年悉
剷夷來往得安便估客負茶薺耕農治礮田前山
鷓鴣叫亂雲滂無邊不雨衣自濕浮嵐靄聯綿我
行良鬱紆何時向平川

梨嶺

梨嶺連楓嶺行人生遠愁可憐嶺頭水不肯向南
流

漁梁旅舍見月

夢筆山頭月流光南浦橋江郎餘恨在何計不魂

銷

閩行雜詩八首

箭筈車箱不啻過軟輿層折上坡陀出關蠻語如
禽語夾路栽禾又割禾建水上游原最勝富沙奇
嶂豈嫌多錢鏗二子遙相待欲訪賓雲奈晚何
石角孤雲木末鐘早投破驛啓塵封佛桑啖啖幾
枝坼慈竹陰陰滿院濃僧解乞詩翻益俗客從過
嶺更添慵一止人語雞聲外蓑笠安閑愧老農
刺桐花底鷓鴣啼朶朶晴嵐面面溪茶熟筍香野
飯好蕉黃荔赤密林齊蚤天一雨雲如墨鳥路千

盤石作梯最喜回岡村舍見鴨闌豚柵互高低
斗大孤城水石參建陽林壑路初諳尋山每愛登
雲谷結屋還聞榜晦菴羣玉鄉空誰遍訪麻沙書
在好窮探大賢心事占嘉遯千載餘薇仰道南
黯淡灘邊石有鱗浮橋鐵鎖倚重圍七星潭底深
難見雙劍空中合有神藏伏未能誇躍治風濤如
許漫知津漁師不識龍蟠地閑坐溪頭理釣緜
爲避危灘就陸程卻欣傍岸聽灘聲悠揚仙梵空
中落莽蒼平沙萬馬行暗和霜林驚暮節靜參天
籟悟浮生今宵旅枕雙谿口拉颯風絃不住鳴

奇絕茶陽沸雪橋玉龍倒挂碎珠跳天瓢亂灑巖
花出山帶斜飛澗雨飄竹筧涓涓千頃注碓牀
沓獨輪搖灌園願學忘機叟自斲黃精一尺苗
山盡東南瘴霧收今朝水口米如油頻看下嶺重
登嶺幾度離舟又入舟長路六千搔短鬢淺灘三
百入深秋芋江屈曲行香篆遙見雄州漲海頭

釣龍臺

海上釣鰲手垂竿龍伯宮何如盤石上閑占一絲
風

九仙山

昔日九仙子同騎赤鯉魚瑤笙有遺韻縹緲在空
虛

螺女江

荔浦如漢渚榕城即洛濱不知明月夜誰見弄珠
人

七塔

三山千簇寺七塔萬枝燈欲覽海天濶須攀最上
層

吳凌雲中丞餞予西湖張樂設飲竟日并
以壽山田黄石及鼓山李陽冰篆書題名

拓本見貽走筆爲謝兼道別

福唐城中住兩月夢醒山雨聲涓涓乳蕉零落紫
蕉老蠻煙慘澹癡雲連鼇峰烏石懶未上僕夫催
放津頭船中丞愛客集賓從遣騎相迓榕臺邊出
郭新晴海嶠出人家豐樂欣今年負鹽汲井溪女
開包飯趁墟阿囷顛呀然萬頃浸坤軸空濛三面
環淙潺蠓牆園開洗塵空龍眼幹老搖便娟漢州
西湖創房相少陵野老曾洄沿後來杭潁亦清絕
白蘇相繼留詩篇閩王亂世盜魁耳遺止廢壘無
人憐當時疏鑿名偶襲漁樵指點還爭傳是時九

月秋色老一奩活碧澄淪漣旣鮮鳧翁鴨母占亦
少荷蔓菱絲牽水晶宮中信可樂孤亭無壁湖吞
天須臾行厨載酒至食單藉地羅長筵車螯點湯
凍膏碧髻鯨斫鱠銀鱗鮮騰觚滕爵已無算猶恐
不醉賓言旋情同湖水深不極天涯難得地主賢
酒闌擘袂不忍別篋出錦石疑瓊璇芙蓉峰頭稷
下產遠勝靈壁高青田崢嶸壓紐雜獅象磊落刻
印隨方圓少溫摩崖篆法妙未入歐趙當時編摩
掌翠墨古香在鸞飄鳳泊神明全歸舟得此良不
薄那用障簾裝金錢人生當著幾兩屐搏沙放手

忘前緣紅山橋畔一解纜回首樹影浮蒼煙水程
山驛自茲遠夢魂飛繞湖隄前

富春渚遇順風

一瞥樟亭失富陽定山樹色辨微茫帆欹柁側風
兼雨柳拜蘆鳴低復昂兩岸浪花如鷺白六和塔
影似針長天公略遣成豪語萬疊雲嵐過眼忙

重過釣臺題壁

渭水車同載淮陰將築壇斯翁終不出萬古一漁
竿

使旋蒙

恩給假歸省即事示徐蒼林范凌蒼諸殿掄吳藍
耕朱民初范紫庭倪端夔家耿仲諸子

彷彿恒河照影頻柴門鷺鴨鏡塘濱菊松繞徑欣
重數芋栗開園未厭貧久矣秋蓬成倦客偶然晝
錦詫比鄰他時定剪黃茅屋一卷農書夜火親

追懷學成上人

小寺雙扉蘸野陂嘗茶問法每忘疲斜陽亂葦相
尋處古佛昏燈共話時曾許塔銘猶欠汝所遺巾
拂竟歸誰依稀尊宿風規在皺面高顴白兩眉

毗陵喜晤歸翁即話別

燕吳七載兩相望西蠡湖頭願始償四海白鬢皆
弟輩三朝清句孰肩行潁陰自著歸田錄洛下新
營履道坊未許相從便終隱扁舟怙悵更分張

西莊始存稿卷十一

西莊始存稿卷十二

古今詩 虛舟集

初入政府述懷

通籍纔看五載逾絲綸閣下漫追趨

恩濃祇覺身難稱才拙堪憐迹轉孤篋有故書慙
享帚朝無棄物許吹竽堂厨餐罷行摩腹閑對空
牆樹影鋪

寄廷諤四首

破楚門西話濶棕侵尋燕市又殘冬暫同長枕原
竒福斗長霜毛是別容丙舍松楸憑汝護丁年弧

西華女不稱
卷十一
一
矢爲親慵子由四海殊堪念風雨中宵恨不逢
過庭

恩許一旬留旋遣趨朝動別愁歸喜鄉音爭入耳
去憐樹色屢迴頭夢中旅雁分形影客裏香醪少
勸酬何日收帆真到岸孤踪人海信沉浮

半生茶苦飽經嘗舉步人間小太行賣劍買牛久
有意毀車殺馬是何鄉緇塵自信衣難化黃妳回
思味頗長見卯計成須底物千頭柑橘百株桑

榆柳交簷水繞門團蕉小築愛江村比鄰鶯鴨應
常數近局漁樵好過存書帙勤將梅鮑曬筍蹊牢

插棘針樊西莊新署耕夫號商略添茅老樹根

次韻四首

廷諤鶚起

京華數載抱離悰使節言旋序轉冬舍弟言歸
懷杜甫老親無恙慰茅容登樓春色長爲客聽
雨秋牕思轉慵何日草堂欣聚首對牀舊夢得
重逢

手校陳編數篋留開函還動遠人愁此行南北
違千里迴憶東西住兩頭科目郊邴嗟少匹文
章軾轍更難酬可憐叔仲長癡絕只與沙鷗共
泛浮

西來女不和
稱觴春酒喜同嘗
萊彩階前舞雁行
旋奉絲綸
登畫舫應憐踪跡滯江鄉
從知風雨中宵急
惟有池塘入夢長
握手虎嘔關外路
叮嚀藝黍更栽桑

市塵不到掩柴門
結屋西莊老樹村
翠葉沈郎錢自滿
黃花陶令徑還存
藏書先學除蟬法
藝圃應勞折柳樊
待得宦成謀共隱
春風點筆坐

雲根

正月九日過來殷新寓時方喪偶出示近

詠奉簡四首

半截衲衲南半彎
悶來聊復訪羈鰥
吟身常帶三分病
客况空羸一味閑
說著討春渾不荅
相邀泥飲輒先還
怪他鄰里笙歌鬧
偏到新正獨慘顏
版扉深掩道南齋
折腳鐺煨品字柴
入戶塵痕多未掃
見人淚點訝初揩
交惟張丈殷兄狎
句變陳三黃九佳
讀罷沉吟轉惆悵
卷中半是遣悲懷
一室長齋繡佛前
空奩零落夜飛蟬
畫眉禿筆悲前事
熨熱閑庭斷夙緣
倩得少君徒設帳
抱來紫玉只如煙
憐予也有幽憂疾
漫擬楊枝伴樂天
衡宇相望即我邦
喜看同調換新腔
鼓盆且莫哀

遺挂擊鉢還期共短釭上直無勞猶鎖印移居纔
定已糊牕愛河愁壘須降伏好學西江吸老龐

重過蘆溝橋

東風柳色禁城西倦僕扶攜上古隄無語自眠寒
蟬竦有情相送石狻猊玉堂咫尺天同遠綸閣依
稀夢轉迷漫向桑乾照孤影一鞭淒斷夕陽低

宿良鄉縣北五里岡窪村田家

土室啓蓬門村醪注瓦盆油燈寒失燄布被久無
溫客恨春衫淚鄉愁落月痕不眠仍起坐搔首憶
君恩

長信春詞

玉階春草色相見幾回榮未得承雕輦還因雨露
生

長信秋詞

丁丁宮漏長瑟瑟涼風峭流螢似有情故向羅衣
照

清明後一日同陳芳林江眉居蔣兼翊朱
介裴步西郭外

一路錫香不禁煙右安門外草橋邊蘆芽柳線江
南路正好龐公上塚年

西莊始存稿 卷十二 四
題廖楚崖吟稿六首

西江宗派溯黃陳夜半傳衣孰替人
雜誦使君行卷罷西山嵐翠潑吟身

六坊七堰紅欄里二水三山白下門
吟遍斷煙殘照裏客牕愁絕剪燈論

老去真看律漸深七條絃上辨清琴
若教俗士論風格那識陰何苦用心

五劇三條跨蹇行拖筇剔蘚未忘情
選人幾輩來京輦誰似君家句子清

清竒幽雋楊廷秀確苦深嚴劉克莊
不薄今人還愛古笑他張口說三唐

爛熟文章我厭看論詩先要就高寒
集成帶得江湖氣便覺風流異麤官

故妓

已成房老守空牀剩粉遺鈿黯自傷
高髻難摹時世樣長眉休羨少年妝
歌喉羞縮忘殘譜羅袖薦乾失舊香
獨上高樓默惆悵看他車馬鬧平康

病馬

千里俄驚一蹶危創殘欹臥耳雙垂
漸消火印奚官棄偷齧麻稽下駟嗤
骨帶銅聲雖白負頭裝金

絡恐非宜九方若肯重迴盼可有驕嘶顧影時
過劉延清先生寓園

屋上流泉屋下平
瀑餘心迹果雙清
在公夙夜蒼生望
不用園題獨樂名

贈袁蕙纒二首

穆堂已逝望溪徂
海內文章孰我徒
喜見後來風格老
昂駒休逐水中鳧
束縛程書事可哀
因人短翮劇低摧
騾車一兩三千里
辛苦年年下第來

孟秋將陪祀

太廟先期齋宿光祿署旁僧舍題壁

廨舍蕭條接佛廬
秋花繞砌矮牕虛
無愁早自能除酒
有妄還嫌未廢書
茗汁半盃澆飯後
香煙一穗陷灰初
亂鴉翻樹昏鐘動
斗覺新涼鬢髮疎

紙扇

披拂卻歎煩秋風
換燠暄全身完潔白
篋笥亦承恩

梭拂

仗爾撲蚊蟲縱橫塵柄長
驅除愁力倦挂壁待秋霜

寄家懃思明府

一官身易退萬卷老猶披不插公府腳愛吟田舍
詩秋風動深澤連雨漲清濱拄頰西山外看雲獨
爾思

蛛網

跂脈延緣伏暝陰么膺何物具機心巧營牆角張
來密暗傍簷牙結得深戲蝶偶投希復脫飛蛾浪
撲輒遭擒長竿急爲除羅織解事兒童許遍尋

蟬琴

纔離糞壤集林顛便奏繁聲混七絃振羽高低調

短柱吟風斷續譜新篇鼓吹暗和羣蛙鬧幽咽遙
同落葉傳祇恐螿蝗驚欲捕漫誇如沸夕陽邊

題芭蕉

幾葉纔抽扇影橫移來何處綠陰成江村燈火三
間屋長記破牕風雨聲

題顧吏部秋夜讀書圖四首

青燈有味記兒時回首恒沙照鬢絲休笑此間淡
生活同心喜見虎頭癡

藜牀竹几靜無塵積雨新涼最可人坐擁一編心
自足南山翠色正嶙峋

西莊如不稱
卷十一
著書不必定名山十二街頭可閉關忙裏偷閑是
良計等他閑日幾時閑

養得天真適性情讀書真足了平生開函便覺心
神遠豈爲千秋萬歲名

陸宣公墓枯柏重青圖歌爲家盤溪賦

延齡蠹國戕其根力傾梁棟投荒村忠州稿葬招
英魂蘇州歸骨齊女門豈知千年人勿誼愛及其
樹情彌敦過者羅拜傾芳樽枯枝何靈忽復繁應
是忠憤蟠煩冤一片生氣旋燠暄頓令朽蘖抽翠
痕盤溪筆力頗軒軒張燥雙管勢可吞懸之素壁

風雨翻孔明廟柏應同論延齡延齡爾何存蕭艾
那得摧蘭蓀

西莊始存稿卷十一

